

Dapli concorrenza per ils veterans da tir rumantschs

Tusaun: Tir annual dals veterans grischuns

DA GION NUTEGN STGIER / ANR

■ Renato Sala da Le Prese è il meglier tiradur veteran da noss chantun. Intgins tiradurs veterans da las regiuns rumantschas han dentant er cuntanschì buns resultats. Al tir annual èn sa participads 310 tiradurs da 60 fin 89 onns. Avant 92 onns è vegnida fundada l'Associaziun grischuna dals tiradurs veterans e dapi 60 onns segna quella per l'organisaziun dal tir annual per tiraduras e tiradurs che han 60 onns u dapli. Da preschent ha l'uniun passa 800 commembers e president è dapi 11 onns Jakob Bardill da Tenna. El è er quel cun ils buns contacts tar ils veterans da tir e la persuna carismatica che ina uniun che reunescha las dunnas ed ils umens da noss chantun che sajettan gugent er suenter avair obtegni 60 onns sto avair. En il center dal tir annual stat bain la concorrenza per eruir il meglier veteran da tir chantunal, dentant la tgira da la collegialitad manca en tut cas er betg. Er tar il tir 2013 è l'atmosfera davairas stada pli che fitg empernaivla e veteranas e veterans da tir han er nizzegia l'ocasiun da far ina bilantscha da la stagiun da tir.

Per la victoria generala quintan sis stetgs

La concorrenza cumpiglia divers stetgs e quai sin la distanza da 300 m cun l'arma da militar (57/90), il carabiner, ubain er l'arma da sport. Sajettà vegn lura er cun la pistola sin las distanzas da 25 m e 50



Christian Mayer da Scuol (san.) è er il victur dal stetg annual e sin il terz post è cun Leo Cavelti da Laax in ulteriur tiradur rumantsch.

FOTO G. N. STGIER

m. Per mintga stetg vegn bain erui il campion grischun, dentant il vair «campion tiradur veteran chantunal» è quel che tira tuts sis stetgs e fa ils pli blers puncts. Mintga resultat singul quinta per la rangaziun finala e quest onn ha Renato Sala da Le Prese gudagnà il classament general cun in total da 489 puncts. Il tiradur da 62 onns ha sajettà buns resultats sin tuts sis stetgs e cun quai fatg il fundament per quel success. Be quatter puncts pli pauc ha obtegni Fridolin Blumenthal, il tiradur sursilvan ch'è dachasa

a Cuir. Tants puncts sco Fridolin Blumenthal ha dentant er tratg Christian Mayer da Scuol. Cun l'annada 1947 è il tiradur engiadinais però nov onns pli giuven e tenor princip decida tar ina paritad dal resultat lura la vegliadetgna en favur dal tiradur pli vegl. Dal reminent è Christian Mayer da Scuol gia l'onn passà stà sin il terz post en la rangaziun generala. Gudagnà aveva Gieri Maissen cun in resultat excellent da 498 puncts. Remarcabel è lura bain er ch'il pli vegl tiradur veteran sin la distanza da 300 m è stà

quest onn Arno Crüzer da Scuol, annada 1925 e cun la pistola Erhard Ardüser da Mastrils, annada 1924.

Resultats

Cumbinaziun (totals sis stetgs)

1. Renato Sala, Le Prese	489
2. Fridolin Blumenthal, Cuir	485
3. Christian Mayer, Scuol	485

Stetg da veterans 300 m cat. A

1. Ueli Graf, Landquart	98
2. Paul Wenzin, Surrein	98
3. Raimund Spescha, Andiast	97

Stetg da veterans 300 m cat. D1+D2

1. Alois Rada, Domat	97
2. Andres Rapold, Domat	96
3. Josef Städler, Cuir	96
4. Gion Cadruvi, Ruschein	95
5. Luregn Capaul, Tersnaus	95
6. Felix Pinggera, San Murezzan	95
7. Armin Mani, Tumein	95
8. Ueli Krebs, Sent	95
9. Jürg Wiher, Jenins	95
10. Hans Dobmann, Andiast	94

Stetg da l'onn 300 m cat. A

1. Germano Giraldi, Pregassona	80
2. Anton von Wyl, Farrera	79
3. Renatus Casutt, Falera	78
4. Toni Caduff, Vatz	78
5. Josef Cadruvi, Schluein	78

Stetg da l'onn 300 m cat. D1+D2

1. Christian Mayer, Scuol	78
2. Hanspeter Hartmann, Cuir	78
3. Leo Cavelti, Laax	77
4. Jakob Bardill, Tenna	77
5. Kurt Herzog, Cuir	77
6. Willi Kindschi, Tavau	77
7. Hans Andrea Sutter, Schiers	77
8. Markus Walser, Domat	77
9. Gion Cadruvi, Ruschein	76
10. Maria Mehli, Cuir	76

Stetg da veterans 50 m

1. Leonardo Cramer, San Carlo	93
2. Paul Prevost, Pontresina	92
3. Luzi Michel, Martina	91

Stetg da l'onn 50 m

1. Peter Bleiker, Brusio	74
2. Paul Prevost, Pontresina	73
3. Luzi Michel, Martina	73

Stetg da veterans 25 m

1. Leonardo Cramer, San Carlo	98
2. Mario Schwarz, Glion	97
3. Christian Mayer, Scuol	97